




Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 95-сса шин.

12+

«ЗАРЯ»

Нюжмар

24 август

2018 ш.

№ 36

gazetazary@mail.ru

Сайт: zaria-online.ru

Прокуратура

Агъали бавт1сса давуртту даврил низам зия даврия

Махъсса шиннардий агъали бавт1сса давуртту даврил масъалардал агъамшиву ларай хъунни. Мукусса давуртту даврил низамрал аьшуйн шусса къараллу ккаккан дурну дуссар «О собраниях, митингах, демонстрациях, шествиях и пикетированиях» т1ссса Федерациялул закондалий ва «О некоторых вопросах проведения публичных мероприятий Республики Дагестан» т1ссса РДлул закондалий.

Собрание, митинг, демонстрация, шествие ягу пикет сакин даврил ягу ми даврил ккаккан дурсса низам зия даву хъанахъиссар административный право зия даву. Му иши-рая чивчун буссар РФ-лул КоАП-рал 20.2 статьялий. Мисалдаран, мукусса низам зия даву хъанахъиссар ккаккан дурсса низамрай кланттул самоуправлениелул органнашчал маслих1ат къаккавкун дуллалисса, агъалигу бавт1сса даву, мукусса маслих1ат къаккавкун дуллалисса давриву гьур-



тту хъун агитация даву, дуллалисса даврил баян бувсса мурад-рал ва гьуртту хъанахъи-

миннал аьдадрал шарт1ру къадуруччаву.

К1иц1ларгсса лишаннах бурувгун, миннухлу инсанту-ран танмих1 бан бюхъайссар, 10000-ния 300000 къуруш-райн дияннинсса аьч1а дирхъуну, 200 сятрайн дияннинсса ч1умуй чара бакъа зузи увну, 30 гъантлуйн дияннинсса ч1умуйсса аьрис риршуну. Мура низам 180 гъантлул мутталай 4-чин зия дарча, РФ-лул Уголовный Кодексерал 212.1 статьялий уголовный жаваблущин ккаккан дурну дур, 600000 азарунния 1000000 къурушрайн дияннинсса аьч1а дирхъуну, ягу 480 ссятрайн дияннинсса ч1умуй чара бакъа зузи увну, ягу 1 шиная 2 шинайн дияннинсса ч1умуй т1айла ац1ан айсса давурттай зузи увну, ягу 5 шинайн дияннинсса ч1умуй гужрай зузи увну, ягу 5 шинайн дияннинсса ч1умуй дуснакъ увну.

С.Р.Мух1адов, лакрал районнай прокурорнал зам., 1 классрал юрист.

Ва шадлугърайн бувк1ун бия Дагъусттаннал мусулмантурал Рувх1анийсса управлениелул делегация муфтийнал вакил **Ильяс-х1ажи Умалатов-лущал**, Лакрал ва Ккуллал имам **Шайхмурад Х1ажимурадов**, райондалул шяравалла-вусса цаймигу имамтурашал, «Илчилул» ва «Ххяххабургъил» корреспондентътал. Лач1лач1исса гъараллах, зах1матесса ххуллурдах къабурувгун, хъами, мюршисса оьрч1ру, арамтал, (Бурги 2 лаж.)

К1амахъалив мизит ц1убуккан бувнни

Августрал 11-ний К1амахъаллал жамат, шагъурдая, Гъумучату, къутанная... - гъарца кланая дач1ра лирч1есса цала буттал шяравун бувк1ун бия. Шяраваллил дянив, ккурч1авсса ца къатлул ч1ирай, ми хъунабакълай, ларч1ун дия дюь дихълахъисса хъуннасса оьвчаву - «Баврув, уссурвал! Ватан дакъулт къахъуннав!» Буттал улклул ми цач1ун бат1лат1ссса савав т1урча дия - буттахъал шяраву бивк1есса мизит, 15 шинал мутталай ц1улаган буллайгу бивк1ун, утти му т1ит1лат1лаву.



Аьрасатнал МВДлул Лакрал МО

ОГИБДД-лул даврил тагъар

ОГИБДД-лул даврин кымат бишуншиврул, ххалдиргъ-уссар 2018 шинал июльданинин аварияртту хъун къадитан, автотранспортрал низам ц1акъ дан мунил дурсса даву. Ч1алан бивк1унни, Лакрал ва Ккуллал районнай аварияртту шаврил тагъар, 2017 шинал вара ч1умух бурувгун, зия хъуну душиву.

Гъашину июльданинин Лакрал ва Ккуллал районнай сиях1-райн дагъну дур 5 (дук1у - 3) ДТП. Миннуву оьрмулуц1а хъуну ур 2 (дук1у - 0) инсан, шавурду дирну дур 10 (дук1у - 5) инсаннайн.

ДТП-рдаву хъумунил зах1матшиву 2018 шинал хъанай бур 16,6% (2017 шинал - 0%).

Машинарду бачин буллалиминнал ДТП-рду даврил ца агъамур савав хъанай дур, ххуллурдайх автомобиль бачин баврил анаваршиву ххи шаву. Яни - транспорт дачин даврил анаваршиву ххуллул тагъардануха къалархъхъусса душиву. Мукунна, ДТП-рду шаврил цайми сававртту дур: сагъ дакъасса техника дусса транспорт дачин дуллалаву, транспорт дачин дан ихтияр дакъасса инсантурал ягу ихтияр зерххусса инсантурал дачин дуллалаву транспорт, мукунна - транспорт х1ан х1арч1ун, бувччу хъуну дачин дуллалаву.

Аварияртту ч1ару къахъун-

шиврул, ОГИБДД-лул зузалтрал ялун личин дулланта1ссар транспорт дачин дуллалиминнал ххуллурдайх заназаврил низам зия дурсса ишру. Цанчирча, ми ишру сававну хъанай дур ДТП-рду.

ДТП-рду хъусса сававрдал хъирив лавну, ч1алан бивк1унни, ч1явумур ч1умал ДТП-рдаву машина бачин буллалиминнан ва пассажиртуран зах1матесса шавурду шайшиву, кув ч1умал ми оьрмулуц1а шайшиву, буруччай-сса энту цайхра къадирчуну, ми ц1акъ къадурун нанини. Муниц1ун бавх1уну, 2017 шинал декабрьдания х1акъинусса кьинин жула билаятрай най дуссар оперативно-профилактикалул даву ОПМ «Ремень безопасности». Му даврил пассажиртал, машина бачин буллалими нигъач1-аврия буруччаву гуж дуллалиссар ва билаятрайсса ххуллурдай инсантал оьрмулуц1а хъусса ишру чан буллалиссар.

Административный даврил тагъар

Гъашину июльданул 1-нин ялун личин бувссар административный низам зия дурсса 723 (дук1у - 334) иш.

Миннуяту, нигъач1аврия уруччайсса энту къадарх1уну транспорт дачин дуллалавриллу (РФ-лул КоАП-рал 12.6 ст.) - 525 (дук1у - 2) иш.

714 протоколданин бувну (дук1у - 329) дирхъуссар аьч1ри 695900 (дук1у - 362000) къурушрансса. ГИБДД-лул чивчусса 277 (дук1у - 133) протоколданин бувну ларсуссар 158650 (дук1у - 95450) къурушрансса аьч1ри.

Цайми шагъурдайсса, районнайсса ОВД-рдайн гъан дурссар 3 (дук1у - 1) материал.

Судиртайн гъан дурну дур 20 (дук1у - 37) административный материал. Миннуяту 9 (дук1у - 17) материал дур, административный сававрай дуснакъ айсса.

Ялун личин бувссар 11 (дук1у - 11) иш, транспорт х1ан х1арч1ун, бувччу хъуну дачин дуллалисса. Миннуяту 2 иш бур (дук1у - 1), транспорт х1ан х1арч1ун, бувччу хъуну дачин

дуллай клилчин биривсса.

Полициялул участокирттал уполномоченныйтурал к1иц1лавгсса ппурттуву ялун личин бувну бакъар административный право зия дурсса цавагу иш (дук1угу - цавагу).

Административный аьч1а дишавриясса х1укмурду, ми биттур буллали баншиврул, судрал пристававал къуллугърайн гъан бувссар 243 (дук1у - 139), аьмну 243100 (дук1у - 101800) къурушрансса.

Судрал пристававал къуллугърал гъашину шаллу бувну бур 129 (дук1у - 82) х1укму, аьмну 264300 (дук1у - 83300) къурушрансса.

Жаваблущиндарайн клунку увссар 8 (дук1у - 15) инсан, административный аьч1ри ч1умуй къадуллунут1ий, РФ-лул КоАП-рал 20.25 статьялул 1-мур бут1луйн бувну.

А.Н.Чупанов, ОГИБДД-лул начальникнан кланай-ма, полициялул капитан.

КІамахъалив мизит цІубуккан бувнни

(Дайдихъу 1 лаж.)

хъамал - циняв бувкІун бия шяравусса мизит тІитІаврил ххаришиву кІидачІин.

Ихтилатирттал лях-лях

аллал жяматран цала мизитраву имандалий бавцІусса эбадатру дуллан. Мукумма бувсунни, райондалул администрациялул цІакъсса дахІавур-

рия, гъарца масъаларттая диндалул луттирдай чивчуну бур. Миннуву дур таварихрал, географиялул, астрономиялул, медициналул... - циняр цаймигу элмурду. Гъази-Гъумучи, лакмудан диндалул иширттаву, элмурдавугу цайминнаял хъхьичІнай бивкІун бур. Сурхай-хан Хъунбутта-Къуран дакІних

ан буллаи бивкІсса ппурттуванил бакІрачІангу му къадар бивну бивкІун, жамятрал хІукму бувну бур ва цІубуккан бан. Му барачатсса даву дайдирихъун дур ванинни 15 шинал хъхьичІ, 2003 шинал. Гания махъ, каши хъуссаксса, чан-чанну дуллай, ахиргу, бакІуйн дуккан дурну, ва ххари-

мир, Юсуп ва м.ц. Барчаллагъ тІий ура мукумма цайми шяраваллава букІлай, кумаг буллаи бивкІминнахъу. Уриннал школалул директор **Данияллухъ**, завхоз **Надирдухъ**, Щангъатусса **Била-ловлухъ**, Шитлиятусса **Лейлихъ** ва цайминнахъ. Ва мизит баврил барачат Аллагъ-



Къурангу буккин буллаи, мавлудгу дуллай, мажлис бачин бувна райондалул имам Щайхмурадлул. Цалчинсса махъ ванал буллауна муфтиятрал чулухасса вакил Ильяс-хІажинахъхъун.

-Мизит зу цІубуккан бувнни, - увкунни мунал. -Амма, Аллагънан ччиссар ва бачІва къаливчІун, ванивун бухлай, чакру буллаи, Цайнна иман дихълай. Мизит цІубуккан бавриву гъуртту хъанай бивкІун бур, кумаг буллаи, администрациялул вакилталгу. ЦІана мукумсса ара хъинчуллий ккаклакиссар, диндалул зузалтгу, дуниявийсса идартталмигу кувнацІун-кув бавкъуну, кувнан-кув бувчІлай, цачІу зузаву. Муниву жунма хъунмасса хъинбала буссар. Идавсил хІадисравугу му кІицІлавгун бур.

Шикку инсантал бия жу бучІаврихлу барчаллагъ тІий. Барчаллагъ жухъ бакъар тІун аьркинсса. Журу зухъ барчаллагъ тІун аьркинсса укунсса даву даврихлу. Ва иширайн жу бахътагума бучІантІиссияв.

Амма, зу кІулну бивкІан аьркинссару - жува адав дусса бакъахъурча, мизитралгу жунма кумаг къабантІиссар. Жува оьрчІан мизитраву адав лахъхъин къадарча, имангу къамул къадарча, миннан цамур гъарзат лахъхъин бантІиссар Интернетраву.

Райондалул администрациялул чулуха увкІсса шяравучув **Юсуп Рамазановлул** кІицІлавгунни, мизит тІитІаву-хъинну ххарисса иш бушиву ва чІа кунни кІамахъ-

тту душиву республикалул муфтиятраш, муфтий АхІмад-хІажинаш, ва гила бувкІсса делегациялухъ тавакъю бувнни кІамахъаллал жяматра- муфтийнахъ ва муфтиятрал зузалтрахъ ссалам бусин.

-ЧІявусса жула инсантал чІарав бавцІун, ва хъхьичІ-васса мизит цІубуккан барду. Утти, жямат бувкІун, ва ххарину тІитІлай буру жува, укунни ванал.-Жува мударангу, оьрчІан дуцІлай, душру шар буллаи, ххарисса иширттай бакъа цачІун къабатІаваннав!

Муфтиятрал зунттал округрал просвещениелул от-

кІулсса хан ивкІун ур.Ва цІубуккан бувсса мизит-Аллагънал зун буллусса неъмат хъанахъиссар. Амма, буллусса неъмат бакъагу личІан бюхъайссар. Ваксса ххарину, циняв чІарав бавцІун тІивтІусса мизит букъахлай, чак, эбадат къадуллаи макъабитари. Аьркин хъурча, шиву оьрчІангу, хъуниминнангу дин лахъхъин дуллансса инсангу жу льякинну.

Хъирив ихтилатру бувна шяравусса хъуначув Башир Камаловлул, жамятрал чулуха - Аьвдуссалам МахІаммадовлул, бугъарасса хъамитайпа Шагъруза-



ну кІицІлаглагисса шадлугъ ялун дирсса куц бусласисса ихтилат ахирданий бувна КІамахъаллал МО-рал председатель Руслан Сулаймановлул:

-Мизит - жамятрал гъанур, - тІий ия ва. -ЧІявусса масъаларду шаллу байсса бивкІссар жула буттал буттахъал, мизитравун бавтІун. Гъумучату аьрава машан

нал, чІивисса бунугу, кумаг бувсса гъарцаннан биян бантІиссар.

Ахирданий, мизит буллаи, бан кумаг буллаи, чІарав бацІлай бивкІминнаха, шяраваллил жамятраха дуаь дурна райондалул имам Щайхмурадлул.

Яла, азангу дурккун, цІубуккан бувсса мизитраву жа-



делданий каялушиву дуллалисса **МухІаммад-хІажі Саламовлул** дакІнийн бувтунни, мизитру лакълакисса, лекъан буллалисса заманагу бивкІшиву, цІана тІурча, цІунил дин цІулаглай, мизитру буллаи бушиву.

Къурандалул ххуллийх бачирча, - укунни ванал, - оьрчІару хъуни баврия, дуккин бав-

дал, Гъумучиял имам **МухІаммад-Маннар Бариевлул**, цІуну тІивтІусса мизитрал иману ивтсса **Ибрагъимлул**. Гъарцаннал лях-лях мюнпатсса махъру буслай ия мажлис бачин бувсса райондалул имам Щайхмурадгу.

Ва мизит бувну бивкІун бур 19-мур ттуршукулий. Совет заманай, мизитру лакълай, лекъ-

ларсун, вай лагмасса ххяллаясса чартту муний ххилаи, бувну бивкІун бур буттахъал ва мизит. Хъунмасса барчаллагъ жамятран, ва даву шаллу дан гъуртту хъанай бивкІсса. Хаснува кІицІ лаган ччай бур циняв жула жагъилтал, **ХІамид, ХІажияв, Шамсуттин, Аьли, Расул, Руслан, Шамсият, Айда-**

матрай ахттайн чак бувна.

Хъирив мизит тІитІаврил ххаришиврийн бувкІминнан мизитрал чІаравсса къатлу-ву тІивтІуна дукра дукансса ссупра. Шадлугърайн бувкІминнал мизитравугу, къатІувугу, цачІу бавцІуну, дакІний личІансса суратру риршуна.

Къ.КЪУРБАНОВ.

Ва ххарисса иширайн архсса зунттал шяравун бувкӀун бия Дагъусттаннал муфтийнал заместитель **Ильяс-хӀажи Умалатовлушал** ва муфтиятрал зунттал округрал просвещениелул отделданул начальник, цувагу бурширичув, **МухӀаммад-хӀажи Саламовлушал**сса делегация, райондалул имам **Шайхмурад**, Гъумучиял имам **МухӀаммад-Маннар**, Гъумуксса, Щаравсса мусулмантал ва м.ц.

ЦӀусса мизитраву ахттайн чакгу

Буршай тӀивтӀунни цӀусса МИЗИТ

Августрал 12-ний, мусулмантурал хӀаж байсса Зул-хӀиджа барз байбивхъусса кьини, райондалул яла архмур Буршиял шяравун, шагьрурдай, къутанная, Гъумучату бувкӀун, жамяту, тамансса хьамалгу бавтӀун бия. Вай батӀаврил сававрая Аллагу рязину ливчӀсса кунна, хьхьичӀ гьантрай лачӀлай диркӀсса гьараллу къадагьну, дуниял даруну, баргъ бивтун бия. Сававгу Аллагъ рязи къахъунсса дакъая - му кьини шяраву тӀитӀлай бия цӀуну бувсса мизит.



бувну, циняв шьабивкӀуна ялуvmур ккурчӀав бивхъусса столлах, чӀиртацӀухсса чарттай. Ххарисса мажлис тӀивтӀуна ва бачин бувна **МухӀаммад-хӀажи Саламовлул**, Къуран буккаврия байбивхъуну.

-Шяраву хъунни шариятрайн бувну хъун бюхъайсса яла ххуймур иш, - тӀий, байбивхъуна цалчинсса ихтилат муфтийнал заместитель **Ильяс-хӀажинал**. -Циняв бувкӀун бур шиккун, мизит тӀитӀлай бунутӀий. Савав цамур диркӀссания, вайксса инсантал къабучӀанессия.

Ванал бувсуна мизит баврицӀун бавхӀусса цалчинми мусулмантурал оьрмулуваасса мисаллу. Мажлис бачин бувсса М.Саламовлул ванангу, гихунмай ихтилатру бувсса гьарцанангу дакӀний личӀансса бахшиш-ру, луттирду булайва. Ихтилатру бувминнал лях-лях дуккайва нашидругу, мавлидгу.

Райондалул администрациялул ва райондалул бакӀчинал чулуха буршиял жамят мизит тӀитӀавришчал барча бувна бакӀчинал зам. **А.Къажлаевлул**.

-Ттул пикрилий, ва мизит тӀитӀаврицӀун бавхӀуну, гьарца бурширичувнал къатравун барачат буххантӀиссар, шяравалу цӀудуккантӀиссар, хъунна хъанантӀиссар, шивун чак бан жамятрал инсанталгу, зунттаун нанимигу бухлантӀиссар, - уkunни ванал.

Райондалул имам **Шайхмурал ХӀажимуратовлул** кӀицӀ лавгунни, ссаврунная бургарча, мизитругу, Къуран ккалаккисса къатригу пперха тӀий, чанна лавхъуну чӀалай би-кӀайшиву.

-Яла ххуймур даву - цила чӀумал бувсса чакри, - уkunни ванал. -Кьияматрал кьини чакурдил, локомотиврал кунна, инсаннал цайми давурт-ту цила хьйрив кӀункӀу дайссар. Чак - му Аллагьнал буллусса неъматри. Му неъматрал тӀин зун бувчӀинтӀиссар, чак буларча. Му - Аллагьнал инсаннал пишкаш дурсса бахшиш-ри. Ва дунияллия лаглай, инсаннал цала хьйрив къадитайсса анжагъ шанна зад дуссар: Аллагьнайн дирхъусса иман, бувсса садакъарду, лархъусса элмурду.

М.Саламовлул бувсуна цӀуну

бувсса мизит буллай байбивхъусса куц ва му баврил яла хъунмур биялагу, хӀарачат бувмагу - аьпалухъхъун лавгсса Сайдуллагу ушиву.

-Ва мизит бувсса кӀанай ххяли дия. Ванил гьану байбишинсса кӀану хӀадур буллай, кулунгиртта, муххал тталлах зий, жагьилтурал хъуннасса даву дурссар. Яла спонсорталгу хӀала бувххуна. Амма, Сайдуллагу хӀала увххун, хъунмур харж муналли буккан бувсса. Шагьрулия



шийн аьркинмур: чартту, цемент, кьун... диян дуллай, гилуниял шамлину хъуннасса харжлугъ дуркессар. Хъунмасса барчаллагъ ми цинянан! ХӀакьину жува кӀицӀлаглай буру ххарисса, таварихравун багъансса иш. Мизит - рувхӀанийсса кӀанури, муниву жагьилтал тарбия шайссар. Буттахъал заманнай мизитирттаву жагьилтуран дингу, лмурдугу лахъ-



хъин дайсса диркӀссар. Буршай махъа-махъ имамну МахӀаммад Рамазанов ивкӀун ур. Халилов МахӀаммадлул оьрчӀ Сайдуллагулул ва жагьилтурал 2003 шинал бивхъуссар ва мизитрал цалчинмур чару. Гания махъ хъун неххайх ва мюрщими нехардийх цӀусса ламурдугу бувну,

хӀажи ХӀажимоллаевлул шиккун бувкӀминнайн АхӀмад-хӀажиная ссаламгу буллуну, циняв барча бувна бусравсса Зул-ХӀиджа барз байбишавришчал.

-Аллагьнал жунна гьавалул тагьаргума ххуйсса ликкан дурнни, - тӀий ия ва. -Ттуйн хъунмасса асар биян бувнни вай зунттал кӀанттурдал ххуйшиврул. Циксса хъунисса аьлимтал, диндалул инсантал, шайхтал бувкессарив лакрал аьрщарая кӀулли жунма. Ттул зухъ тавакьюри - шиккусса зула аьрщи, къатри къа-

мадитари. Куч хъуми шиккун та-бунугу зана бикӀантӀиссар. Шикку эяллу личӀарча, чунни ми занабикӀантӀисса? ХӀакьину чак бан бувкӀунни цӀусса мизит бувцӀусса инсантал. Ва мизитрал барачатрал зул улча балаллая буруччиннав! Идавсилгу (с.аь.вс.) цува яхъанан ивзсса кӀанай, Мадиналив хьхьичӀа-хьхьичӀ мизит бувну бивкӀссар. Зунттаун наними, дин дакъасса, цамур диндалувсса бунугу, ва мизитравун буххича, миннайну ванил асар биянтӀиссар.

Мукума ихтилатру бувнни МГУ-луву дарс дихълахъисса **Абубакар Мудуновлул**, Сайдуллагулул уссу **Аьлилул**, цӀадурксса спортсмен **Ислам Махачевлул**, Щардал жагьилтурал чулуха **Артурдул**, Буршиял жагьилтурал чулуха **Къураис-мяиллул** ва **Ансардул**, мудан кумаг буллай, мизит буллалими шаппай буцлай, хьамалу буллай ивкӀсса Буршиял сельсоветрал администрациялул бакӀчи **ХӀасан-ХӀусайн МахӀаммадовлул**.

Ахирданийгу М.Саламовлул, мажлис лакълай, уkunни:

-Жу, муфтиятрал чулуха бувкӀми, циняв чак байми - жува чак къабайминнаял ххуйссару тӀий бакъару. Чак къабайминнай жу аьй дуллайгу бакъаруча, миннайн оьвтӀий буру чак булан. Жува кӀюрххил, чӀумуй чантӀчин бан, будильник дишару. Мунил зяр-зяр тӀий чантӀчин байхту, шанавух лавгсса жунма тӀааьнну къабикӀай. Амма, даврийн чӀал хъун къабивтун, мюнпат шай. Чак булангу, мукума, жунма тӀааьнну къабикӀайнугу, муния жунма мюнпат бунутӀий, Аллагьнал ялув бивхъумур бартбигълай бунутӀий, булан аьркинссар. Ва мизитгу жунма мукум, мюнпат бумур буланшиврулли аьркинсса.

Хьйрив щала ккурчӀав бивхъусса столлах шьабивкӀун, шадлугърайн бувкӀсса цинянал цачӀу цӀу-чатӀ бувкунни.

Кь.Къурбанов.

Муфтийнал 1 зам. **Абдуллагу-**

Учредитель:
Администрация
МР «Лакский
район».
Учредитель:
«Лакрал район»
МР-далул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
К. М. Курбанов

Опер. комп. набора
Р. И. Джалаева
Тех. редактор
А. М-Р. Абакаров

Адрес редакции, издателя:
368360
Республика Дагестан
Лакский район
с. Кумух
Ул. Сурхайхана -1, 96

Газета набрана
и сверстана на компью-
терной базе редакции
газеты «Заря» и
отпеча-
та-
на в ГАУРД «Издатель-
ский дом» «Дагестан»
Адрес:
г. Махачкала
Пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 702 экз.
Цена свободная.

Газета зарегистрирована
Управлением
Федеральной службы по
надзору в сфере связи,
информационных
технологий и массовых
коммуникаций по
Республике Дагестан
от 22 августа 2017 г.

Регистрационный
ПИ № ТУ05-00385

Позиция редакции
может не совпадать
с точкой зрения ав-
торов, которые несут
ответственность за
достоверность о объ-
ективность представ-
ленных для публика-
ции материалов.

ЦРБ - террорданин къарщину

МахIаммад Сулайманов, ЦРБ-лул хъунама хIакин.

Лакрал райондалийсса медициналул идарарттаву терро-
ризмалия яла нигъачIаву хъун бюхъаймур, халкъ чIавусса ба-
тIаймур кIантту хъанай бур Гъумуксса больница (ЦРБ). Му
мюхчан баву мурадрай, сакин бувну буссар террордания бу-
руччаврин хасъсса паспорт, цийгу цимурца ккаккан дурсса.

Мудан итталу буссар нигъа-
чIаву, мюхчаншиву дуруччин
аьркинсса гъарца кьинисса
масъаларду.

Хъунама хIакиннал чивчус-
са амрулийну сакину дурну
цIакъ дурссар штатрай дакъас-
са МЧСрал, граждан оборо-
налул кьюкьри.

Гъарца кварталданий минна-
щал дайссар инструкциядайн
бувсса бувчIин бавуртту, чичру-
ду дайссар хасъсса журналлай.

Шинай цал дан ккаккан був-
ну буссар террордания бурч-
чаврин, нигъачIаву къадикла-
рин, хъурча ци бантIиссарив
вардиш буллалисса дуккавуртту,
иширайнусса ххалбигъавуртту.

Цил багъайкун больница мюх-
чан бансса давурттансса арцу
дакъашиврин бувну, больница-
лий бивхъуну бакъассар мугълат

бакъа тревога гъаз дайсса кно-
пка, зий дакъассар леххаву дута-
рил система. Амма ми масъалар-
тту больницалул давурттаву план-
далин давсун буссар, гъашину
биттур бавриха зунтIиссару. ЧIал
къархъуну дишинтIий буру ви-
деонаблюдениелул аппаратуру, ва
тревога дай кнопка. Миннул хъи-
рив пожардая бурччавриясса да-
вурттугу дачин данну.

ЧIалачIисса масъала бур
террор-экстремизмалин къар-
щисса идеология сукку хъун
къадитаву гъарца кьини пикри-
луву битан аьркинсса, биччи-
бакъулушиву къабучIисса даву
душиву.

Редакциялул чулуха:
ЦРБ-лий уттигъанну ви-
деокамерарду бивхъунни ва
цайми мюхчаншиврул давурт-
ту дунни.

Аьрщи сукку хъусса чIумал кIулу бикIан аьркинмур

Щалагу Республикалий сентябрь барз хъанай бур - дун-
ял сукку шаврия буруччаврил барзну.



Аьрщи сукку хъун бюхъай-
шиву цакуна баян барча, хъхь-
чIва-хъхьчI - дарих буккан
къабучIиссар. Къатрава къатI-
ув укканнин, аьркинссар ток ле-
щан, газ лакьин, лавхъсса тIан-
нул ягу хъурчIул пач бухъур-
ча, му лешан бан. ОьрчIайгу
янна ларххун, цайрагу лаххан,
чIумух бурувгун. Документру,
ялун лахханмур, дукья хIадур-
ну дикIан аьркинссар.

Къатрава къатIув буххайхту,
аьркинссар чIирттая арх хъун,
гъартасса кIанай бацIан. Аьр-
щи цакуна, хар-хавар бакъа сук-
ку хъурча, мугълат бакъа къат-
рава къатIув буккан бюхъайлай
бакъахъурча, бацIан аьркинс-
сар нузру, хъулуруду бусса кIан-
най, къатлул мурулув, ялун за
лекъякъан. Аьрщи сукку шаву
дацIайхту, анаварну къатIув
буккан аьркинссар.

Даврий бунува аьрщи сукку
хъанай дайдиширча, анаварну
давугу дацIан дурну, токгу лев-
шун, аьркинмургу ларсун, къа-
тIув лихъан аьркинссар. Агар
аьрщи сукку хъурча зува ттучан-
далий, кинотеатрданува ягу ца-

мур кIанай бусса чIумал, ана-
вар мабуккару шаппай буххан.
Цал вичIи дишара, ци баян бай-
рив. Зунма бакIравун бухмур
къабуллай, МЧСрал увкумур
буллан аьркинссар.

Аьрщи сукку шаврил хIадур-
шинна дикIан аьркинссар шарда,
хъап куну, анаварну, бигъану зу-
щала ласун бюхъайсса дукья, ме-
дициналул аптечка, документру
хIадур бувну. КIулу бикIан аьр-
кинссар инсаннан цалчинсса ку-
маг бан. Аьрщи сукку хъусса чIу-
мал зущава 15-20 секундлар дян-
нив къатIув буккан бюхъантIий
бухъурча, зун кIулу бикIан аьр-
кинссар, зува чун буххан, чув ба-
цIан, чув лабикIан аьркинссарив.
Лакъсса этажирттай бухъурча,
къабучIиссар лифтрай бучIлан,
лакъсса зивурдаяту чIавахъулт-
тайх тIанкIа тIун. Школалий
дуклакисса чIумал сукку хъурча
дунял, аьркинссар столлар лув
буххан. Аьрщи сукку шаву дац-
цIайхту, къатIув буккан бувну,
цияв оьрчIру бурув, бакъарив
ххал бан аьркинссар.

Н.ХIАСАНОВ, МКУ ЕДДС-
рал начальник.

ЦIуллушиву

ОьрчIай азардая буруччинсса оьцIалтту рищаврия



Нитти-буттан
кIулу бикIан
аьркинссар, оьрч-
Iру полиомиелит-
рая, дифтерияля,
коклюшрая, ту-
беркулезрая, стол-
бнякрая, В гепа-
титрая, корьда-
ния, эпидемичес-
кий паротитрая
(свинка), красну-
халия буруччин
бюхъайшиву, так
миннай хасъсса
оьцIалтту рищу-
ну.

Аьрасатнаву азардая буруччинсса оьцIалтту рищайссар
Миллатрал календарьданий дирчусса оьцIалттал буруччай-
сса азардал нигъачIаву укунсса дур:

Полиомиелит (ягу оьрчIал паралич) - захIматсса лакъ-
ай азарди. Ванил зарал биян байссар центральный нервный
системалун, хъхьчIа-хъхьчI бурхIал няран. Азарданул
цал параличру хъанахъи дайссар, гихунай - инвалид хъун
айссар.

ЗахIматсса В гепатит - захIматсса лакъай азарди. Ва
азарданул ттиликл сатиржан дайссар. ОьрчIнийра дирсса
вирусрал В гепатитрал 50-95% кIура даяйссар лакъи ларгс-
са (хронический) журалин. Гихуннай му сававну ттиликл-
рал цирроз ва ттиликлрал рак байбишайссар. В гепатит оьр-
мулул цуксса чIивину уна лархъурув, муксса хъуннассар
оьрмулухун му вирус цавура личIансса каша.

Туберкулез - азарданул зарал биян байссар гъуттурдан
ва миннувусса ссикIирал путIан (бронхи). Амма ца-ца чIу-
мал зарал бияйссар чурххал цайми базурдангу. Туберкулез
лакъайхту, бюхъайссар мунил цайми журадугу сукку хъа-
нан, мисалдаран - туберкулезрал менингит. Ми журадугу ту-
беркулезрал дарурттал хъин къадайссар.

Коклюш - ссикIирал ххуллурдал лакъай азар. НигъачI-
иссар мунил гъуттурдан зарал биян баву (бронхопневмо-
ния), хаснува - ккуку булай оьрмулуву. Ва азар оьдикIун,
энцефалопатия хъуну къахъинссар. Цанчирча, му шайхту,
бюхъайссар оьрчI бивчIан ягу, му сававну, кьюкI хъун, эпи-
лепсия хъанан.

Дифтерия - захIматсса лакъай азарди. Чурххал бутIри,
хъунмурчIин - кьюкI-туннурду ва нерварду зия дайссар, сса-
тиржан хъанан икIайссар, фибриндалул къатту ялтту дакъ-
лай. Дифтерия оьдикIангу бюхъайссар, инфекционно-ток-
сический шок хъанай, миокардитру, моно- ва полиневрит-
ру хъанай, миннушала цацIу бакIрал ва цайми кIанттур-
дайсса нерварду, надпочечникру зия хъанай, токсический
невроз хъанай.

Столбняк - нервардал система зия дайсса азарди. Ва дир-
ну, ссикI бигъаврил ва кьюкIнил бювчIинбишилул пара-
лич хъуну, чIявуну инсан ивчIайссар.

Корь - ва азарданул бюхъайссар отит сукку дан, пневмо-
ния хъун (цурдагу - антибиоттикитрал хъин къадайсса), эн-
цефалит хъун. Азар оьдикIансса, ивчIансса нигъачIаву хас-
нура хъуннассар мюрщисса оьрчIан.

Эпидемический паротит (свинка) - ва азар оьдикIан
дан бюхъайссар серозный менингитрал, ца-ца чIумал - под-
желудочный железалул воспаление хъуну. Свинка хъанахъ-
иссар арамант ва хъами оьрчI къахъанай личIан бансса ца
савав. Цанчирча, ванил вирусрал зия байссар яички ва яич-
никру.

Краснуха - вания хъуннасса нигъачIаву дуссар лякълу-
ву оьрчI буминнун. Миннуйн азар лакъан бюхъайссар къа-
шавайсса оьрчIая. Лякълуву оьрчI буми краснухалул къа-
шавай хъурча, чIявуну бюхъайссар, оьрчI бюхъайссар чур-
ххал, аькълуллул шаллу бакъасса бан, чIун къадирнува оьрчI
бутан ва бивчIусса оьрчI бан.

ОьцIалу ришлай, зу буруччалиссару зула оьрчIру лакъ-
ай азардая ва миннуя чурххан биллалисса хъунисса зарал-
лая.

ОьцIалтту рищайссар укра, ми ришун ккаккан дурсса
оьрмулул шинугу кьянкъану дурурччуну.

(Гихунмайгу буссар)

ПатIимат ХIАЖИЕВА, оьрчIал хIакин.